

AOTELEGA O FAAMATALAGA

Fuafuaga ua Faatulai mo le Puipuiga mai Manu Faalafuā 2018



E tatau ona maua uma mai finagalo
faalia i le 8 pm o le aso 28 Mati 2018.

akhaveyoursay.nz

Fa'aali sou manatu i le Fuafuaga Faataatia Fa'aitūlagi mo le Puleaina o Meaola Fa'alāfuā

'O le iloiloga mulimuli o le Fuafuaga alualu mamao mo le puleaina o Meaola Fa'alāfuā Fa'aitūlagi a Aukilani/ Tāmaki Makarau na fa'atinoina i le tausaga 2007. 'Ua tele suiga talu lena iloiloga, e aofia uma ai tulaga o meaola fa'alāfuā fa'atasi ai ma le Tulāfono mo le Puipuigamalu mai Meaola Fa'alāfuā ma Faama'i (Biosecurity Act). 'Olo'o 'ua fa'atinoina nei e le Pulega a Aukilani le toe iloiloina o le fuafuaga 'olo'o iai nei mo le toe fausiaina ai o se fuafuaga fou ina ia o gatasi ma le Faiga Faavae a le Atunu'u mo le puleaina o Meaola Fa'alāfuā 2015. 'O lenei fuafuaga fou 'ole'ā tuuina mai ai se fa'ava'a o le fa'avaeina fa'aletulāfono o fuafuaga mamao mo le puleaina lelei o meaola fa'alāfuā i totonu o Tāmaki Makaurau / Aukilani.

'O fa'atinoga mo le iloiloga mo le fuafuaga fou 'olo'o fa'aauuina pea talu mai le 2014 e sui filifilia, o le mana whenua, fono ma sui o le fono, sui o le 'aufaipisinisi fa'atasi ma tagata lautele.

'Ua maea ona tapenaina le pepa o le auililiga o manatu na aoina mai i fa'atalatalanoaga na fa'atinoina (mauaina i luga: akhaveyoursay.nz). 'O 'auala mo le puleaina o meaola fa'alāfuā sa aofia i totonu o le fuafuaga taufa'aofi 'ua tuufa'atasia e amanaia ai popolega ma manatu mai galuega fa'atino, fa'atasi ai ma le iloiloga fa'apitoa i luga o tau o avanoa 'olo'o maua ma 'olo'o gafataulimaina.

'Olo'o sailia e le Fono a Aukilani manatu e fa'atatau aga'i i le Fuafuaga Faataatia Fa'aitūlagi mo le Puleaina o Meaola Fa'alafua (RPMP). 'O lou manatu fa'aalia 'ole'ā fesoasoani i le fausiaina o manulauti ma polokalame ma fuafuaga mo meaola fa'alāfuā mo Tāmaki Makaurau / Aukilani mo le isi 10 tausaga i le lumanai.



'O le ā le puleaina o meaola fa'alāfuā?

'O meaola fa'alāfuā e aofia ai lā'au ola fa'alāfuā, meaola poo manu feaveaia ma fa'aleagaina ai le si'osi'omaga, aafia ai le aganu'u, fa'apea le tamāo'āiga ma le soifua maloloina. 'O le puleaina o meaola fa'alāfuā 'o se fuafuaga tāua tele mo le mautinoa le puipuiga o le saogalemu o meaola ma lā'au 'ese'ese o Aotearoa/Niu Sila mai iniseti ma meaola fa'alāfuā, fa'apea fo'i ma le soifua maua o Nu'u ma Afio'aga ma se tamaoaiga malosi. 'O le puleaina o meaola fa'alāfuā e ono fa'atinoina i 'auala 'ese'ese, e pei o le fa'asaina o le fa'atau atu o lā'au poo meaola fa'alāfuā, fa'atamaia o itū'āiga o meaola fa'alāfuā mai laufanua fa'apitoo poo le fa'aitiitia o fainumera o itū'āiga o meaola fa'alāfuā ina ia puipuia le tāua o se vaega 'ele'ele.

'O a fa'afitauli 'autū?

'O lenei toe iloiloga o le RPMP o se avanoa e fa'aleleia ai le puleaina o meaola fa'alāfuā i totonu o Tāmaki Makaurau / Aukilani. 'O vaega 'autū o le Fuafuaga Faataatia Fa'aitūlagi mo le Puleaina o Meaola Fa'alāfuā 'ua auiliiliina atu i lalo.



Puleaina o meaola fa'alāfuā i nofoaga fa'asao lautele

'O le tulaga 'olo'o iai nei meaola fa'alāfuā i nofoaga fa'asao lautele o le pulega, i se taimi, 'ole'ā a'afia paolo o lā'au ma 'ole'ā fa'aitiitia le lelei o le si'osi'omaga ma lona aoga. 'Ua vaaia le tele o lā'au fa'alāfuā i luga o le nofoaga fa'asao lautele o le pulega ma 'ua maitauina ai le tele o faitioga mai tagata lautele.

'O le fuafuaga 'olo'o tauatia'e 'olo'o fa'atulaga ai polokalame mo le taofia mata'ituina o lā'au fa'alafua i luga o nofoaga fa'asao a le pulega fa'atasi ai ma Nofoaga Taua tele mo le Siosiomaga. 'O polokalame 'ua fa'atulagaina 'ole'ā fa'aleleia atili ai le puipuiga o fanua lautele ma o gatasi ai taumafaiga o le pulega, faipisinisi o fela'ua'iga ma ē umia fanua sa'oloto ia fa'amautinoa ai le ausia o tulaga mauuluga o le manuia o le si'osi'omaga mai galuega e fai fa'atasi.

'Ua fa'aofi i totonu o le fuafuaga fa'ata'atia 'auala mo le taofia o meaola fa'alāfuā e pei o isumu, puua ma pusi mai vaega o le laufanua e tāua mo le si'osi'omaga. 'O Atumauga o Waitakere ma Hunua o nofoaga pito mauuluga le tāua o fanua fa'asao lautele, o nofoaga ia e lua e pito i tetele vaega o si'osi'omaga vaomatua o le motu 'autū o lea itulagi. 'O vaega nei 'ua ave 'i ai le fa'amuumua mo le puipuiga o nisi o meaola e pei o le 'oti ma le 'aila.

'O le fa'amoemoe mo le puleaina o meaola fa'alāfuā i luga o nofoaga fa'asao lautele 'ole'ā:

- puipuia galuega o Vaega Taua o le Siosiomaga uma o fanua fa'asao lautele, le fa'asaoina o le \$251 miliona i le \$375 miliona o fa'amanuiaga e maua mai nei nofoaga e sili atu ma le 10 tausaga
- puipuiga o meaola 'ua lamatia
- mautinoa 'olo'o ta'ita'ia ma mulimulita'i e le pulega mea e fai i luga o ona lava fanua
- fa'amaopopo le galulue fa'atasi o le pulega, ona tuaoi ma faipisinisi o fela'ua'iga lata ane
- puipui le saogalemu o le afaigaluega, afaigaluega galulue foai, ma tagata lautele.

'O le faama'i o le Kauri dieback

'O le fela'ua'iga o tagata o le 'ele'ele 'o le 'auala sili lea mo le salalau atu o le kauri dieback. I le taimi nei o 'auala e taofia ai le salalau atu e aofia ai polokalame fa'alauiloa, polokalame mo le suia o amioga, fa'apea le si'itia o le tumamā i nofoaga ma suesuega. 'Olo'o fa'aauuina pea le salalau i totonu o le fa'aitūlagi, peitai e le 'o maua le fa'ama'i i totonu o le Hunua Ranges po 'o motu o le Hauraki Gulf (sei vagana ai le motu o Aotea/Great Barrier).

'O leni fuafuaga fa'ata'atia 'olo'o fa'amuumua ai le puipuia o nofoaga e lē 'o a'afia i fa'ama'i fa'atasi ma le fa'atuina o sone fa'apitoa ma le si'itia o 'auala mo le tumamā. E lē fa'atagaina le fela'ua'iga o le 'ele'ele poo lā'au i totonu o le sone o Hunua vagana e aumai se nofoaga 'ua fa'ataga ona 'olo'o sa'oloto mai le fa'ama'i. E lē fa'atagaina le aveaina o lā'au o le kauri i motu o le Hauraki Gulf. 'O leni faiga, e lagolagoina e se polokalame mo le fa'aitiitia o le salalau i nofoaga 'olo'o totoe o le fa'aitūlagi.

'O le fuafuaga fa'ata'atia mo le puleaina o le salalau o le kauri dieback 'ole'ā fa'asafua aga'i i fuafuaga nei:

- ia si'itia le avanoa ia 'aia ai ne'i sao atu le kauri dieback i laufanua o Hunua ma motu o le Hauraki Gulf
- fa'aitiitia le salalau o le Kauri dieback i isi vaega o le itūlagi.

Puleaina o le salalau o meaola fa'alāfuā i motu o le Hauraki Gulf

'O le Pulega a Aukilani 'olo'o fa'afoeina le polokalame o le Treasure Islands mo le fa'alauiloa ma le suia o amioga fa'atasi ma le Vaega o Faasao (Conservation) mo le puipuia o meaola ma lā'au tāua 'ese'ese o le Motu o Hauraki Gulf. E silia ma le 40 aufaipisinisi o fela'ua'iga 'ua 'ausia se Tusi Poloa'iga e sa'oloto mai Meaola Fa'alāfuā (Pest-free Warrant) ma 'ua fai laasaga e fa'aitiitia ai le feaveaiaina o nei meaola i le va o motu. Faatasi ma le tele o vaega o mailei i luga o motu ma isi masini mo le puipuiga mai meaola fa'alāfuā, 'ua fa'amanuiaina leni polokalame i le puipuiga lelei o motu o leni 'ogāsami. Peita'i, 'o le fa'afitauli 'olo'o tulai mai pea, o le fa'aauuina pea o le malosia o le salalau o nei meaola fa'alāfuā, amaise lava manu ninii pei o le loi Argentina ma le mala o skinks poo pili.

I lalo o fuafuaga fa'ata'atia 'ole'ā fa'alauteleina le polokalame o Tusi Poloa'iga e sa'oloto mai Meaola Fa'alāfuā e fa'atonutonuina ai aufaipisinisi o fela'ua'iga i luga o vaega puipuia o le Hauraki Gulf, e o gatasi foi ma tulāfono laiti e fa'apitoa mo mataupu fa'apea. 'O le polokalame mo Tusi Poloa'iga e sa'oloto mai Meaola Fa'alāfuā 'ole'ā fa'alauteleina ma foai fua atu mo pisinisi e mauuluga se aafiaga e pei o fale fa'afaiilelega lā'au, iliga lā'au mo fauga fale, e fa'aitiitia ai le fe'avea'ina o meaola fa'alāfuā i le taimi o fela'uaiga i motu tutū'ese matāfaga.



'O le a fa'aauauina le polokalame fa'alauiloa o le Treasure Island ma 'ole'ā fa'alelei atili lona fa'amaumaga agafesootai fa'asaienisi ma le mataituina o lona aogā. 'O le leoleoina o le motu ma le fa'aaogaina o tekonolosi ma ta'ifau e tali atu ai i ni osofaiga 'ole'ā fa'aauau, ae 'ole'ā galue felagolagomai ma polokalame fa'alauiloa ma suia o amioga fa'apitoa mo nuu ma afio'aga. 'O le fuafuaga fa'ata'atia mo le puleaina o le sosolo atu o meaola fa'alāfuā i motu o le Hauraki Gulf 'ole'ā aofia ai:

- le fa'aauauina o le puipuia lelei o le motu mai meaola fa'alāfuā o le itū'āiga mafanafana le toto (mammals)
- fa'aitiitia le salalau o loi, pili ma isi meaola fa'alāfuā
- puipuia tamāo'āiga i polokalame fa'atamai 'ua uma na fai po 'olo'o loma.

'O le Motu o Aotea / Great Barrier

'O le itū'āiga meaola o mustelid ma possum e le'i maua pe oo foi i luga o le motu o Aotea/Great Barrier ma e fa'amuamua tele le fa'aauau o lea tulaga. 'O le tulaga i le mamao ese mai o Aotea/Great Barrier mai le motu 'autū 'ua tuai ai fo'i le ofi atu o lā'au fa'alāfuā e ai le moth plant ma le woolly nightshade ma isi itū'āiga 'olo'o maua i le vaega tele o le atunuu.

E masani lava ona mafai ona aveeseina lā'au fa'alāfuā mai le motu ae le'i taatele peitai o le feoa'iga o tagata e ono fe'avea'ina nanā ai nei meaola fa'alāfuā. 'Ua osofaia e le itū'āiga o le loi Argentina ma pili poo skinks le motu o Aotea/Great Barrier i tausaga lata mai. 'O oloa e pei o oloa faufale e maualuga tele se avanoa e fe'avea'ina nei meaola fa'alāfuā e iai loi ma pili.

I le fuafuaga fa'ata'atia 'olo'o taula'i i manu e itiiti le a'afiaga mo le puipuia o Aotea/Great Barrier ma foia ai nisi fa'afitauli fou e ala i polokalame o le Poloa'iga e sa'oloto mai Meaola Fa'alāfuā 'ua tāua i luga. 'O lenei foi fuafuaga fa'ata'atia 'ole'ā puleina ai foi le aafiaga mai lāpiti, isumu ma pusi o vaega o nofoia e meaola ma lā'au 'ese'ese, i le taimi lava e tasi, 'ole'ā galue le pulega ma mana whenua, Komiti o le Great Barrier, le Matagālua o le Faasao ma nuu ma afioga i 'auala e fa'afoe e sa'oloto ai Aotea/Great Barrier mai le ofi atu o meaola toto māfanafana, ma e 'amana'iaina manutu eseese uma.

'O le talosaga mo le puleaina o meaola fa'alāfuā i Aotea / Great Barrier Island 'ole'ā:

- taofia le salalau o pili mala (plague skinks)
- taofia le 43 itū'āiga o meaola ma lā'au mai le sao atu i le motu (pei o le vao 'ua tāua o le woolly nightshade)

- puipuia nofoaga fa'asao tāua mai le a'afiaga mai lāpiti, isumu ma pusi
- puipuia itū'āiga o meaola lamatia e aofia ai tāiko (black petrel) ma le pāteke
- puipuia o le galuega o fa'asao tāua o lā'au ma meaola 'ese'ese o le motu ma le fa'amanuiaga 'olo'o maua mai le si'osi'omaga, e tusa ma le \$363 miliona i le \$437 miliona i le silia atu ma le 10 tausaga.

'O le Motu o Waiheke

'O le Motu o Waiheke o se nofoaga mo le tele o itū'āiga o meaola 'ua lamatia mai isi meaola fa'alāfuā, ma e ona avea ma nofoaga fou mo isi itū'āiga meaola lamatia e pei o le kiwi, pe a aveese muamua meaola fa'alāfuā. 'O Waiheke e latalata ifo tele i isi motu e le'i oo i ai ni meaola fa'alāfuā, ma o le nofoia o Waiheke e meaola fa'alāfuā, e ono lamatia ai fo'i nei motu.

'O le fuafuaga fa'ata'atia e aofia ai le fa'atama'ia o isumu, stoats ma pua'a 'olo'o i le Motu o Waiheke. 'Ua fuafuaina e fa'atupeina le fa'atama'ia o isumu ma stoats mai se faiga fa'apa'aga fa'apisinisi, ma o le 70 pasene 'ole'ā maua mai tagata foa'i ma fa'alapotopotoga faipa'aga. 'O le polokalame o le Poloa'iga e sa'oloto mai Meaola Fa'alāfuā e tāua tele mo le foia o le toe osofaia pe a mae'a le fa'atama'iaina.

'O le fuafuaga fa'ata'atia mo le puleaina o meaola fa'alāfuā i le Motu o Waiheke o le'a:

- puipuia vaega o le si'osi'omaga tāua o Waiheke
- puipuia le tamāo'āiga o motu latalata ane e le'i nofoia e meaola fa'alāfuā
- faatupula'ia avanoa mo le fa'aofiina atu o itū'āiga o meaola 'ua lamatia.

'O le Motu o Kawau

Na o le Motu o Kawau 'ua 'avea ma nofoaga tele mo le wallabies i lenei itulagi. 'Ua avea lea ma lamatiaga mo le motu 'autū, ona o le a'afiaga ogaoga o vaomatua ma fa'ato'aga mai wallabies. 'O le fa'ateleina o fainumera o wallabies i itu i saute o Tāmaki Makaurau / Aukilani e ono lamatia ai fo'i lea itulagi.

'O le fuafuaga fa'ata'atia 'ole'ā fa'atama'iaina wallabies mai Kawau ma tausisia pea le tulaga sa'oloto mai wallabies o isi vaega o le itulagi. Peita'i, o le fa'atamaina o wallabies mai Kawau e ona iai ni taunuuga leaga e pei o le fa'atupulaeina o avanoa mo isumu, possums poo isi lā'au fa'alāfuā.



Ona o lea tulaga, i lalo o le fuafuaga fa'ata'atia 'ua tu'ufa'atasia ai le polokalame o le fa'atama'iaina o wallabies ma ni polokalame mo le fa'atama'iaina o possums, isumu ma stoats mai Kawau. E pei ona ta'ua, 'o le polokalame o le Poloa'iga e sa'oloto mai Meola Fa'alāfuā e tāua tele mo le taofia o le toe osofa'iaina pe'ā mae'a le fa'atamai'aina.

'O le fuafuaga mo le pulega o meaola fa'alāfuā i Kawau 'ole'ā puipua ai le itulagi atoa mai a'afiaga o wallabies, ma fa'aitiitia ai le lamatiaga o le fe'avea'ina e tagata i le motu 'autū. 'O lenei mea 'ole'ā manuia ai fa'ato'aga, vaomatua ma le saogalemu o tagata.

Possums

'O le lelei o le puleaina o fainumera o possums 'olo'o i le 28 pasene i le taimi nei i le motu 'autū, ma 'olo'o fa'aaauu pea le fa'aleagaina o le tamāo'āiga ma le a'afiaga o le si'osi'omaga o le atunuu.

'O le fa'atama'iaina o possums i luga o vaega tele o le lau'ele'ele, e mafai ai ona fa'aitiitia tupe fa'aalu, mai le tamāo'āiga lautele, ma malosi'aga fa'atau fa'apea ma le fa'aitiitia o le osofaia o vaega fanua lata ane e lē i lalo o se va'avaiga. I lalo o le fuafuaga fa'ata'atia 'ole'ā fa'atama'iaina possum i le lautele atoa o nuu i tua o Tāmaki Makaurau / Aukilani, 'ole'ā fa'aitiitia le fuainūmera o possums i se tulaga talafeagai mo le manuia o le tamāo'āiga ma si'osi'omaga.

Puipuigamalu mai meaola fa'alāfuā ma fa'amai o le suāvai

'Ua maua nei meaola fa'alāfuā i suāvai o vai o le motu 'autū. Peitai, o le Aotea / Great Barrier 'olo'o sa'oloto mai meaola fa'alāfuā uma o le suāvai, ma o lo'o tumau pea le maua o tulaga tāua o meaola ma lā'au 'ese'ese. 'O le fuafuaga fa'ata'atia 'ua fa'atauina ai le puipua o Aotea / Great Barrier mai aafiaga o le motu mai meaola fa'alāfuā o suāvai e fa'asāina mai le motu. I le motu 'autū, e ui lava o le tele o suāvai 'ua maua ai ni itū'āiga o meaola fa'alāfuā, ae e iai lava ni fa'amanuiaga mai le taofia o le salalau atili. Ona o tagata le pogai 'autū o le salalau atu o meaola fa'alāfuā i isi vai ma vaitafe, o lea e folafola ai o le fuafuaga fa'ata'atia aoaoga ma le fa'alauiloaina o le salalau atu o nei meaola, pei o 'auala lelei na fa'aaoga i le Treasure Island ma polokalame o "Siaki, Fa'amamā, Fa'amago" mai isi itulagi. E iai nofoaga o le motu 'autū 'olo'o fa'atumauina ai le maua o le ola o meaola ma lā'au 'ese'ese o suāvai, peitai o nei si'osi'omaga 'olo'o lamatia ma e ono le matuā lamatia ma mou atu ai. I lalo o le fuafuaga fa'ata'atia 'ua fautuaina ai le puleaina o nisi o meaola ma lā'au fa'alāfuā 'olo'o maua i le vai o Tomarata ma Rototoa, ma galulue felagolagoma'i ma le mana whenua, afio'aga lotoifale, ma le National Institute of Water and Atmospheric Research (NIWA).

'O le fuafuaga mo le pulega o meaola fa'alāfuā o le suāvai 'ua fa'ata'atia mai ai le:

- tausia o le vai o Aotea / Great Barrier ia tumau le sa'oloto mai meaola fa'alafuā
- toafia o le fa'alauiteleina o le salalau o meaola fa'alāfuā i nisi itūlagi
- puleaina meaola ma lā'au fa'alāfuā i Tomarata ma Rototoa ma le toe fa'aleleia o le si'osi'omaga.

Itūlagi 'Atoa

E ui e tele polokalame i lalo o le fuafuaga fa'ata'atia 'olo'o tulimatai le puipua o le lau'ele'ele ma vaega tāua mo meaola ma lā'au 'ese'ese, e iai fo'i polokalame e patino i le itulagi atoa, e aofia ai:

- le fa'atamaia po'o le fa'aitiitia o fainumera o lā'au fa'alāfuā, ina 'ia taofia ai le toe sao mai ma 'avea ma meaola fa'alāfuā i le lumanai
- fa'amalosia e fa'aitiitia o le a'afiaga mai lāpiti fa'apea itū'āiga o lā'au fa'alāfuā e lamatia ai le tamāo'āiga
- pulega o lā'au fa'alāfuā (biocontrol)
- polokalame fa'aitulagi mo le taofia o le tupu poo le fa'atulai mai o a'afaiga laiti mai meaola fa'alāfuā
- fa'asāina le fa'atauina o meaola poo lā'au fa'alāfuā fou poo le itū'āiga 'ua maua nei. Asiasiga o fale fa'afaiilelega lā'au ma fa'atau meaola, fa'apea ma le a'oa'oina ma le fautuaina o le vaavaia lelei o meaola fagafao, togalā'au, tali mai i sutesuga lautele
- 'ua vaavaia ma fa'amalosia le pulea o le fa'ama'i o Dutch elm.





Saoloto Aukilani mai Manu Faalafuā

Saoloto Aukilani mai Manu Faalafuā o se sini ina ia puipuia a tatou laau ma togavao lausiusi, e ala i le faatama'ia o manu ma meaola faalafuā e lē manaomia.

O le Saoloto Aukilani mai Manu Faalafuā o le a lagolago atu i le Fuafuaga mo le Puipuiga mai Manu Faalafuā (Regional Pest Management Plan), e ala i le lagolago atu i vaega o loo taulamua ai le komiuniti ina ia fesoasaoni e toe faaolaola ma o tatou lo tatou siosiomaga o meaaola (ecosystems). Fai sau vaega, e mafai ona tatou tutu faatasi e ausia leni sini aucklandcouncil.govt.nz/pestfreeauckland

Paketi mo le fa'atinoga

O le tau mo le faatinoga o le vaega atoa o nei uma polokalame o loo iai i le RPMP e \$307.15m (tagai i le ata oi lalo).

O le faatalanoaga o le fuafuaga tuutuu mamao (Long-Term plan) o le a silasila ai i le aofaiga o tupe o le a maua e faatino ai le fuafuaga leni mo le puipuiga o le aai mai manu faalafuā (Regional Pest Management Plan). O le iuga, o loo faaaui i le taimi nei faatalanoaga mo le fuafuaga leni ua faatulai atu, faatasi ai ma faatalanoaga mo le fuafuaga tuutuu mamao.

O auala uma e maua mai ai seleni mo le faatinoga o le fuafuaga tuutuu mamao e pei ona faatalanoaina, e lē o mafai ona lava lena e faatupe ai le faatinoga o galuega uma mo polokalame ua faataatia mo le fuafuaga ua faatulai atu. Ae peitai, o polokalame i le fuafuaga ua faatulai atu o mea lava e mafai ona toe fetuutuunai. E mafai ona e silafia atili nisi faamatalaga e uiga i auala ua faatulai atu e mafai ona maua mai ai seleni mo le faatupeina o nei polokalame pe a e silasila i le tusitusiga mo faatalanoaga i le LTP.

O le a faaaogā le fuafuaga mo le faagaioiga o polokalame, e fua i le silasila i iuga o le a iai faagasologa o faatalanoaga uma e lua.

Fa'avaega o Polokalame	Tupefa'aalu i le 10 tausaga mo le 2018-2028
Puleaina o meaola ma lā'au fa'alāfuā i paka poo fanua lautele	\$142.44m
Faama'i o le Kauri dieback ma le Dutch elm	\$51.48m
Polokalame mo motu o le Hauraki Gulf	\$35.28m
Aotea / Great Barrier	\$1.16m
Kawau	\$1.85m
Waiheke	\$5.91m
Fa'atama'ia fa'aitūlagi o possum	\$40.41m
Polokalame mo meaola fa'alāfuā o le suāvai	\$5.53m
Puipuiga fa'aitūlagi lautele, fa'atama'iaina, fa'agasologa o le puleaina o lā'au fa'alāfuā	\$3.83m
Lagolago mo pulega fa'aitūlagi lautele, polokalame mo le fa'agasologa o le taofiga ma le to'esea o meaola fa'alāfuā	\$10.62m
Lagolago mo pulega fa'aitūlagi lautele o lā'au fa'alāfuā	\$8.55m
Aofa'i e sili atu i le 10 tausaga	\$307.15m

**Auckland Council (2018). Proposed Regional Pest Management Plan -
Summary Document (Samoan version)**

ISBN 978-1-98-855506-5 (Print)

ISBN 978-1-98-855507-2 (PDF)